


繩準治證

之六




125-2


F 14  
シ-109

Kitasato Memorial Medical Library

3 29 28 27 26 25 24 23 22 21 20 19 18 17 16 15 14 13 12 11 10 9 8 7 6 5 4 3 2 1



8 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 5



490.9

Sh-14  
14

No.3677

125/125



富士川文庫

1951

證治準繩第六冊目錄

大小腑門

泄瀉滯下總論

泄瀉

滯下即痢疾

大小便不通

大便不通

閉癃遺尿總論

小便不通

淋胞痺

小便數

小便不禁

小便黃赤

遺精

赤白濁

前陰諸疾

陰縮  
陰汗  
臊臭

陰縱  
陰冷  
陰寒

陰痿  
陰痒

陰腫  
陰痛

陰癰  
陰癰

陰吹

疝

交腸

腸鳴

脫肛

穀道痒痛

痔

證治準繩第六冊

金壇王肯堂輯

泄瀉滯下總論

泄瀉之證水穀或化或不化並無努責慄脅困倦若滯下則不然或膿或血或膿血相雜或腸垢或無糟粕或糟粕相雜雖有痛不痛之異然皆裡急後重逼迫憚入

潔古論曰藏府瀉利其證多種大抵從風濕熱論之是知寒少熱多寒則不能久也故曰暴瀉

非陰久泄，非陽論云。春宜緩形，形緩動則肝木乃榮，反靜密<sup>疾</sup>則是行。秋令金能制木，風氣內藏，夏至則火盛而金失，獨火木旺而脾土損矣。輕則餐泄，身熱脉洪，穀不能化，重則下利，膿血稠粘，裏急後重。故曰：諸泄稠粘皆屬於火經。曰：洩而便膿血，知氣行而血止也。宜大黃湯下之。是爲重劑。黃芩芍藥湯是爲輕劑。是實則泄其子，木能自虛而脾土實矣。故經曰：春傷於風，夏爲餐泄。此逆四時之氣人所自爲也。此一節熱泄也。

有自太陰脾經受濕而爲水泄，虛滑身重微滿不知穀味假令春宜益黃散補之，夏宜泄之法云。宜補宜泄，宜和宜止，和則芍藥湯止。則訶子湯久則防變而爲膿血，是脾經傳受於腎謂之賊邪？故難愈也。若先利而後滑謂之微邪，故易安也。此皆脾土受濕天之所爲也。雖聖智不能逃。口食味，鼻食氣從鼻而入，蓄積於脾而爲水泄也。此一節濕泄所謂泄瀉也。有厥陰經動下利不止，其脉沉而遲，手足厥逆，膿血稠粘，此爲難治，宜麻黃。

湯小續命湯汗之法云謂有表邪縮於內當散表邪而自愈此一節風泄也有暴下無聲身冷自汗小便清利大便不禁氣難布息脉微嘔吐急以重藥溫之漿水散是也此一節寒泄也所謂暴泄也故法曰後重者宜下腹痛者宜和身重者宜除濕脉弦者去風膿血稠粘者以重藥竭之身冷自汗者以毒藥溫之風邪內縮者宜汗之則愈驚濤爲利宜溫之而已又曰在表者發之在裏者下之在上者湧之在下者竭之身表熱者內疎之小

便澀者分利之又曰盛者和之去者送之過者止之兵法曰避其來銳擊其惰歸此之謂也

凡病泄而惡寒太陰傳少陰土來尅水也用除濕白朮茯苓安脾芍藥桂枝黃連破血火邪不能勝水太陰經不能傳少陰而反助火邪上乘肺經而痢必白膿也相當歸芍藥之類是已又有物結隊亦也宜下之若脉浮大慎不可下雖裏急後重脉沉細而弱者謂寒邪在內而氣

也。可溫養而自安。裏急後重，閉者太陽氣不宣通也。宜加檳榔木香宣通其氣。若四肢倦小便少，或不利，大便走沉困，飲食減少，宜調胃去濕。白术芍藥茯苓三味水煎服。白术除脾胃之濕，芍藥除胃之濕，熟四肢困倦，茯苓能通水道走濕。如發熱惡寒腹不痛，加黃芩爲主。桂枝佐之。如腹痛甚，加當歸。倍芍藥。如見血，加黃連爲主。桂枝當歸佐之。如煩燥或先

便，白膿後血，或發熱或惡寒，非黃連不能止。上部血也，如惡寒，脉沉，先血後便，非地榆不能除。下部血也，如惡寒，脉沉，或腰痛或臍下痛，非黃芩不能除。中部血也，如便膿血相雜，而脉浮大，慎勿以大黃下之，必死。謂氣下竭也。而陽無所收。凡陰陽不和，惟以分陰陽之法治之。又曰：暴泄非陰久泄，非陽有熱者，脈疾，身動，聲亮，暴注下迫，此陽也。寒者，脉沉而細，身困，鼻息微者，薑附湯主之。身重，不舉，木附湯主之。渴

引飲者是熱在膈上水多入則自胸膈入胃中  
胃本無熱因不勝其水胃受水攻故水穀一時  
下此證當炎大椎三五壯立已乃督脈瀉也如  
用藥使車前子雷丸白术茯苓之類五苓散亦  
可又有寒泄者大腹滿而泄又有驚瀉者是  
寒泄也驚者鴨也太便如水其中有少結糞者  
是也如此者當用天麻附子乾薑之類又法  
曰泄有虛實寒熱虛則無力不及拈未便已  
泄出謂不能禁固也實則數至圊而不便俗云

虧坐努責是也裏急後重皆依前法進退大承  
氣湯主之太陽病爲挾熱利涼膈散主之表證  
下利因下利而下利不正爲挾熱利陽明爲癥瘕進退大承氣湯  
主之太陰濕勝濡瀉不可下而可溫四逆湯  
主之少陰蟄風不動禁固可瀉赤石脂丸乾  
薑湯主之厥陰風泄以風治宜小續命湯消  
風湯主之少陽風氣自動大柴胡湯主之  
胃泄飲食不化色黃承氣湯泄腹脹滿泄注  
食卽嘔吐逆建中湯理大腸泄食已窘迫太便

色白，腸鳴切痛

乾薑附子湯

小腸泄洩而便膿血，

少腹痛

承氣湯

大便泄，裏急後重，數至圊而不

能便。革中痛。五泄之病，胃小腸太瘕三證皆以清涼飲子主之。其泄自止，厥陰證加甘草，以緩之。少陰證裏急後重，加太黃，又有太陰陽明二證，當進退大承氣湯主之。太陰證不能食，是也。當先補而後泄之。乃進藥法也。先煎厚朴半兩，製水煎二十三服，後未已謂有宿食未消，又加枳實二錢，同煎二十三服，泄又未已，如稍進食尚

有熱毒，又加大黃二錢，推過泄止，住藥如泄未已，爲腸胃有久塵垢，滑粘加芒硝半合，宿垢去盡，則愈也。陽明證能食，是也。當先泄而後補，謂退藥法也。先用大承氣湯五錢水煎服，如利過泄未止，去芒硝後，稍熟退減，太黃一半，再煎兩服，如熱氣雖已，人必腹滿，又減去太黃與枳實，厚朴湯又煎三兩服，如腹滿退，泄亦自愈。後服厚朴湯數服則已。按進退承氣法須審之，脉證的知，有積熱及形病俱實，而後可下此已。

上雖出潔古家珍東垣活法機要而多出於劉河間保命集之文故其用藥於疎蕩爲多觀者會其意毋泥其辭可矣 東垣云胃氣和平飲食入胃精氣則輸於脾上歸於肺行於百脉而養榮衛也若飲食一傷起居不時損其胃氣則上升精華之氣反下降是爲餐泄久則太陰傳少陰而爲腸澼假令傷寒令飲食膩滿而脹傳爲餐泄者宜溫熱之劑以消導之傷濕熱之物而成膿血者宜苦寒之劑以內疎之風邪下

者升舉之濕氣內盛者分利之裏急者下之後重者調之腹痛者和之洞泄腸鳴無力不及拈衣其脉細微而弱者溫之收之膿血稠粘數至圊而不能便其脉洪大而有力者下之寒之太抵治病當求其所因察何氣之勝取相尅之藥平之隨其所利而利之以平爲期此治之太法也 瀉利久不止或暴下者皆太陰受病不可離甘草芍藥若不受濕則不利故須用白朮是以聖人立法若四時下利於芍藥白朮內參加


防風夏加黃芩秋加厚朴冬加桂附然更詳外  
證寒熱處之如裏急後重須加大黃如身困倦  
須用白朮若自汗逆冷氣息微加桂附以溫之  
如或後重膾血稠粘雖在盛冬於溫藥內亦加  
大黃

診 胃脈虛則泄 脉滑按之虛絕者其人必  
下利 肺脈小甚爲泄小者氣血皆虛 腎脈小甚爲  
洞泄小者氣血皆少腎主閉藏今氣血虛少無以閉藏故泄 尺寒脈細  
謂之後泄 尺膚寒其脉小者泄少氣 下利

脉沉弦者下重 下利寸口反浮數尺中自濇  
者必清膾 濑病若腹大而泄者脉當細微而  
濇反緊大而滑者死 泄而脉大者難治 痘  
泄脉洪大是逆也 泄注脉緩時小結者生浮  
大數者死 下利脉大爲不止 下利日十餘  
行脉反實者死 大便赤辨餐泄脉小者手足  
寒難已餐泄脉小手足温易已 脘鳴而滿四  
肢清泄其脉大是逆也如是者不過十五日死  
矣 腹大脹四末清脫形泄甚是逆也如是者

不及一時死矣。利手足厥冷無脉者灸之。  
不溫若脉不還反微喘者死。利後脉絕手  
足厥冷辟時脉還手足溫者生脉不還者死。  
病者痿黃燥而不渴胸中寒而利不止者死。  
假令下利寸口關上尺中悉不見脉然尺中時  
一小見脉再舉頭者腎氣也若見損脈來爲難  
治。利如魚腦者半死半生。下利如廬腐  
色者死。純血者死。如屋漏汁者死。下利  
如竹筒注者不可治。脉細皮寒氣少泄利前  
如行焉注者不可治。脉細皮寒氣少泄利前

後飲食不入此謂五虛不治若用參术膏草  
之亦有生者。下則泄瀉上則吐痰皆不已爲  
上下俱脫死。



泄瀉

金匱下利病脉證并治 夫六府氣絕於外者  
手足寒上氣脚縮五藏氣絕於內者利不禁甚  
者手足不仁 下利脉沉弦者下重脉大者爲  
未止脉微弱數爲欲自止雖發熱不死 下利  
手足厥冷無脉者灸之不溫若脉不還反微喘  
者死少陰負趺陽者爲順也 下利有微熱而  
渴脉弱者當自愈 下利脉數有微熱汗出今  
當自愈設脉緊爲未解 下利脉數而渴者當

自愈設必清膿血以有熱也清古圖字 下利脉反弦發熱身汗者自愈 下利氣者當利小便下利寸脉反浮數尺中自濇者必清膿血 下利清穀不可攻其表汗出必脹滿 下利脉沉而遲其人面少赤身微熱 下利清穀者必鬱胃汗出而解病人必微厥所以然者其面戴陽下虛故也 下利後脉絕手足厥冷辟時脉還手足溫者生脉不還者死 下利腹脹滿身體疼痛者必溫其裏後攻其表溫裏宜四逆湯攻

美宜桂枝湯 下利三部皆平按之心下堅者急下之宜大承氣湯 下利脉遲而滑者實也利未欲止急下之宜大承氣湯 下利脉反滑者當有所去下乃愈宜大承氣湯 下利已瘥至半月日時復發者以病不盡故也當下之大承氣湯以上數承氣湯本虛者當別議 下利讞語者有燥矢故也小承氣湯主之 下利便膿血者桃花湯主之 热利下重者白頭翁湯主之 下利後更煩按之心下濡者爲虛煩也梔子豉湯主之

下利清穀裏寒外熱汗出而厥者通脈四逆  
湯主之。下利腹痛紫參湯主之。乾嘔下利  
黃芩湯主之。右此下利一章後世名醫諸書  
皆以爲法古之所謂下利卽今之所謂泄瀉也  
內有治傷寒數方仲景用治雜病今全錄之使  
後人知云治傷寒有法治雜病有方者非也傷  
寒雜病同上法矣。

丹溪云有濕有氣虛火痰食積。戴復菴云瀉水腹不痛者濕也飲食入胃輒後

完穀不化者氣虛也腹痛瀉水腸鳴痛。一陣瀉  
一陣者火也或瀉或不瀉或多或少者痰也腹  
痛甚而瀉瀉後痛減者食積也。濕多成五泄。  
戴云發泄者水穀不化而完出濕乘風也溏  
泄者漸下汚積粘垢濕兼熱也鶯泄者所下澄  
澈清冷小便清白濕兼寒也濡泄者體重軟弱  
泄下多水濕自甚也滑泄者久下不能禁固濡  
勝氣脫也。濕瀉脉濡細乃太陰經脾土受濕  
濁水虛滑身重微溼不知穀味口不渴久雨泉

溢河溢或運氣濕上司令之時多有此疾宜除  
濕湯吞戊己丸佐以胃苓湯重者木附湯 東  
垣云予病脾胃久衰視聽半失此陰盛乘陽加  
之氣短精神不足此由弦脈念慮多言之過也  
皆陽氣衰弱不得舒伸伏瘧於陰中耳癸卯歲  
六七月間淫雨陰寒踰月不正時人多病泄利  
一日予體重肢節疼痛大使泄并下者二而小  
便閉塞思其治法按內經標本論大小不別無  
間標本先利小便又云在下者引而竭之亦是

先利小便也又云諸泄利小便不利先分別之  
又云治濕不利小便非其治也皆言當利小便  
必用淡味滲泄之劑以利之是其法也噫聖人  
之法雖布在方策其不盡者可以意求耳今客  
邪寒濕之淫從外而入裏以暴加之若從已上  
法度用淡滲之劑以除之病雖卽已是降之又  
降是復益其陰而重竭其陽則陽氣愈削而精  
神愈短矣是陰重強陽重衰反助其邪之謂也  
故必用升陽風藥卽瘥以羌活獨活柴胡升麻

各一錢防風根半錢炙甘草半錢同㕮咀水二  
鍾煎至二盞去渣稍熱服太法云濕寒之勝助  
風以平之又曰下者舉之得陽氣升騰而去矣  
又法云客者除之是因曲而爲之直也夫聖人  
之法可以類推舉一而知百者也若不達升降  
浮沈之理而一槩施治其愈者幸也 濕兼寒  
瀉內經曰濕勝則濡泄甲乙經云寒氣客於下  
焦傳爲濡泄夫脾者五藏之至陰其性惡寒濕  
今寒濕之氣內容於脾故不能裨助胃氣腐熟

水穀致清濁不分水入腸間虛莫能制故洞泄  
如水隨氣而下謂之濡泄法當除濕利小便也  
治之以對金飲子 濕兼熱瀉益元散參萸丸  
濕兼風見餐泄條 寒瀉脉沉細或弦遲身  
冷口不渴小便清白或腹中綿綿作疼宜理中  
湯附子溫中湯漿水散 暴泄如水周身汗出  
一身盡冷脉沉而弱氣少而不能語甚者加吐  
此謂緊病宜以漿水散治之若太陽經傷動  
傳大陰下利爲鶯溏大腸不能禁固卒然而下

中有硬物欲起而又下欲了而又不下小便多  
清此寒也宜溫之春夏桂枝湯秋冬白朮湯  
理中湯治泄瀉加橘紅茯苓各一兩名補中湯  
若溏泄不已者於補中湯內加附子一兩不喜  
飲食水穀不化者再加砂仁一兩共成八味  
仲景云下利不止醫以理中與之利益甚理中  
者理中焦此利在下焦赤石脂禹餘糧湯主之  
用此加法則能理下焦矣戴云寒瀉寒氣在  
腹攻刺作痛洞下清水腹內雷鳴米飲不化者  
腹攻刺作痛洞下清水腹內雷鳴米飲不化者

理中湯或附子補中湯吞大已寒丸或附子桂  
香丸畏食者八味丸元是冷瀉因瀉而煩躁引  
飲轉飲轉瀉者參附湯連理湯如寒瀉服上  
藥末効宜木香湯或薑附湯六柱湯吞震靈丹  
養氣丹手足厥逆者兼進硃砂丹藥食方入口  
而即下者名曰直腸難治如瀉已愈而精神未  
復舊者宜十補飲寒瀉腹中大疼服前藥外兼  
進乳荳丸服諸熱藥以溫中並不見効登園不  
迭穢物隨出此屬下焦宜桃花丸二十五粒訶梨

勒丸以瀝之。按戴方多過於亢熱用者審之。  
熟瀉脉數疾或洪大口乾燥身多動音聲響  
亮暴注下迫益元散加芩連燈心淡竹葉之屬  
泄而身熱小便不利口渴者益元五苓若火  
多四苓加木通黃芩泄而困倦不便者及脉  
數虛熱者宜參术滑石苓通泄而脈滑堅者  
實熱宜大承氣湯戴云熟瀉糞色赤黃彈響  
焦疼糞門焦痛糞出穀道猶如湯熱煩渴小便  
不利宜五苓散吞香連丸凡瀉津液既失口

必渴小便多是赤瀝未可便作熱論的知熟瀉  
方用冷劑不然勿妄投以致增劇玉龍丸治  
一切伏暑泄瀉神効理中湯加茯苓黃連名  
連理湯用之多有奇功且如今當暑月若的知  
暑瀉自合用暑藥的知冷瀉自合用熱藥中間  
有一等盛暑又復內傷生冷非連理湯不可下  
泄無度泄後却彈過響肛門熱小便赤瀝心下  
煩渴且又喜冷此藥爲宜若元是暑瀉經久下  
元虛甚日夜煩併暑毒之勢已然而瀉不已復

用暑藥則決不能取効，便用薑附輩，又似難施。疑似之間尤宜用此。氣瀉腸鳴，氣走胸膈，痞腹急而痛瀉，則腹下稍可，須臾又急，亦有腹急氣塞而不通者。此由中脘停滯氣不流轉，水穀不分所致。戴法用大七香丸入米煎服，久而不愈者，五膈寬中散，吞震靈丹，仍佐以米飲，調香附末，調氣散，金匱訶梨勒散，治氣利，氣虛瀉用四君子湯加麴蘖升柴石二神加木香丸，積滯泄瀉腹必耕扁方泄者是也。或肚

腹滿按之堅者亦是也。受病淺者宜神麴之類，消導之病深而頑者必用進退承氣之類，下之方安。傷食瀉因飲食過多，脾胃之氣不足以運化，而瀉其人必噫氣如敗卵臭，宜治中湯加砂仁半錢，麴蘖枳术丸或七香丸，紅丸子雜服，食積腹疼而瀉不可遽用，治中丸住，宜先用消導推蕩之藥，或因食一物過傷而瀉後復食之，卽瀉者以脾爲所傷未復而然，宜大建脾湯，寒可仍燒所傷之物存性爲末，三五錢重調服。

因食冷物，停滯傷脾，脾氣不暖，所食之物不能消化。瀉出而食物如故，宜治中湯加乾葛，吞酒煮黃連丸。有脾氣久虛，不受飲食者，食畢即腸鳴腹急，盡下所食之物，方快。不食則無事，俗名錄食瀉。經年累月，宜快脾丸。因傷於酒，每晨起必瀉者，宜理中湯加乾葛，吞酒煮黃連丸。或葛花解醒湯吞之。因傷麪而瀉者，養胃湯加萊菔子炒研一錢，痛者更加木香五分，瀉甚者去藿香，加炮薑，如其數。痰瀉二陳湯海石

青黛黃芩神麴薑汁竹瀝爲丸，每服三十五丸少者，必用吐法，吐之方愈。一男子夜數如廁，或教以生薑一兩碎之半夏湯洗，與大棗各三十枚水一升，磁瓶中慢火燒爲熟水，時時呷之，數日便已。每日五更卽泄瀉，有酒積有寒積，有食積有腎虛，俗呼脾腎泄。有人每早須大瀉一行，或腹痛，或不腹痛，空心服，熟藥亦無効。有人教以夜食前，又進熟藥一服，遂安，後如此常服，愈益暖藥，雖平旦服之，至夜方已盡，無以

敵一夜陰氣之故也。有人每五更將天明時必溏利一次。有入云此名腎泄服五味子散頓愈。有入久泄早必泄一二行泄後便輕快脈滑而少弱先與厚朴和中丸五十丸大下之後以白术爲君枳殼半夏茯苓爲臣厚朴炙甘草芩連川芎滑石爲佐吳茱萸十餘粒爲使生薑煎服十餘貼而愈。戴云有每日五更初洞瀉服止瀉藥並無効米飲下五味丸或專以北五味煎飲雖節省飲食大段忌口但得日間上半

夜無事近五更其瀉復作此病在腎分水飲二神丸及椒朴丸或平胃散下小茴香丸二神丸合五味子散名爲四神丸治瀉尤妙。小便不利而泄若津液偏滲於大腸大便瀉而小便少者用胃苓散分利之若陰陽已分而小便短少此肺脾氣虛不能生水也宜補中益氣湯加麥門五味陰火上炎而小便亦少此肺氣受傷不能生水也用六味地黃丸加麥門五味腎經陰虛陽無所生而小便短少者用滋腎丸腎世寫

氣丸腎經陽虛陰無所化而小便短少者用益氣湯六味丸若誤用滲泄分利復傷陽氣陰無所生而小便益不利則腫脹之證作而疾危矣凡太便泄五服理中湯小便不利太便反泄不知氣化之過本肺不傳化以純熟之藥治之是以轉泄少服則不止多服則愈熱所以不分若以青皮陳皮之類治之則可經云膀胱者州都之官津液藏焉氣化則能出矣泄而口渴引飲此爲津液內土用錢氏白术散或補中益氣

湯腎水不足之人患泄或過服分利之劑而渴者加減八味丸失治必變小便不利水腫脹滿等危証矣水漬入胃名爲溢飲滑泄渴能飲水水下復泄泄而大渴此無藥證當灸大顧在一推下陷中滑瀉東垣云中焦氣弱脾胃受寒冷大便滑泄腹中雷鳴或因悞下未傳寒中復遇時寒四肢厥逆心胃絞痛冷汗不止此腎之脾胃虛也沉香溫胃丸治之薛氏曰前證若脾胃虛寒下陷者用補中益氣湯加木香肉荳蔻補

油脂若脾氣虛寒不禁者用六君子湯加炮薑  
肉桂若命門火衰脾土虛寒者用八味丸若脾  
腎氣血俱虛者用十全大補湯送四神丸若太  
便滑利小便閉澀或肢體漸腫喘嗽唾痰爲脾  
腎氣血俱虛宜用十全大補湯送四神丸若太  
便滑利小便閉澀或肢體漸腫喘嗽唾痰爲脾  
胃虧損宜金匱加減腎氣丸保命集云虛滑  
久而不止者多傳變爲利太陰傳少陰是爲丸  
邪先以厚朴枳實湯防其傳變按此法實者用

之虛者不若四神丸實腎之爲得也收澀之  
劑固腸丸訶子散皆治熱滑扶脾丸桃花丸訶  
子丸赤石脂禹餘糧湯皆治寒滑瀉已愈至  
明年此月日時復發者有積故也脾主信故至  
期復發熟積大承氣湯寒積感應丸虛者以保  
和丸加三稜蓬术之屬投之趙以德云昔聞  
先生言泄瀉之病其類多端得於六淫五邪飲  
食所傷之外復有雜合之邪似難執法而治乃  
見先生治氣暴脫而虛頓瀉不知人口眼俱閉


呼吸微甚殆欲絕者急灸氣海飲人參膏十餘斤而愈治陰虛而腎不能司禁固之權者峻補其腎治積痰在肺致其所合大腸之氣不固者湧出上焦之痰則肺氣下降而大腸之虛自復矣治憂思太過脾氣結而不能升舉陷入下焦而成泄瀉者開其鬱結補其脾胃使穀氣升發也凡此之類不可枚舉因問先生治病何其神也先生曰無他圓機活法具在內經熟之自得矣

餐泄

水穀不化而完出是也史記倉公傳曰風自此經云清氣在下則生餐泄又曰久風入中則爲腸風餐泄夫脾胃土也氣沖和以化爲事今清氣下降而不升則風邪久而于胃是木賊土也故沖和之氣不能化而食物完出謂之餐泄或飲食太過腸胃所傷亦致米穀不化此俗呼水穀利也法當下者舉之而消尅之也以加減木香散主之東垣云清氣在下者乃人之脾胃氣衰不能升發陽氣故用升麻柴胡

助甘辛之味以引元氣之升，不令下陷爲餐泄也。又云：凡泄，則水穀不化。謂之餐泄，是清氣在下，乃胃氣不升，上古聖人皆以升浮藥扶持胃氣，一服而愈。知病在中，焦脾胃也。脈訣曰：濕多成五泄。濕者，胃之別名也。病本在胃，真氣弱，真氣者，穀氣也。不能转化飲食，乃濕盛故也。以此論之，正以脾胃之弱故也。初病奪食或絕不食，一上白便，使胃氣日勝，泄不作也。今已成太泄矣。經云：治濕不利小便，非其治也。又云：下焦如

瀆，入云：在下者引而竭之，惟此證不宜此論。其病得之於胃，氣下流，清氣不升，陽道不行，宜升。宜舉，不宜利。小便靈樞云：頭有疾，取之足；謂陽病，在陰也。足有疾，取之上，謂陰病在陽也。中有疾，傍取之；傍者少陽甲膽是也。中者脾胃也。脾胃有疾，取之足少陽甲膽者，甲風是也。東方春也。胃中濕勝而成泄瀉，宜助甲膽，風勝以克之。又是非陽助清氣上行之法也。又一說：中焦元氣



不足，溲便爲之變，腸爲之苦鳴，亦緣胃氣不升，故令中氣上行。又云：風勝濕也，太抵此證。本胃氣弱，不能化食，奪食則一百而可止。夫奪食之理爲胃弱，不能转化食，則爲泄。如食不下，何以作泄？更當以藥滋養元氣，令和候。泄止漸與食，胃勝則安矣。若食不化，著於升陽風藥，內加炒麵，同煎，兼食入頓，至心頭者，胃之上口也，必口沃沫，或食久反出，皆胃土停寒，其右手關脈中弦按之，洪緩是風熱濕相合，穀氣不行，清氣不行。


升爲弦脉之寒所隔，故不下也。麵之熱亦能去之。若反胃者，更加半夏生薑，入於風藥，內同煎，奪食少食欲，使胃氣強盛也。若藥劑大，則胃不勝，藥泄亦不止。當漸漸與之。今病既久，已至衰弱，當以常法治之。不可多服餌也。人之肉如地之上，豈可人而無肉？故肉消盡，則死矣。消瘦之人，有必死者，人內經有七外經，有一入病，肌肉去盡，勿治之，天命也。如肌肉不至瘦盡，當急療之。宜先奪食，而益胃氣，便與升陽相助，真氣次。

用風藥勝濕以助升騰之氣病可已矣餘皆勿論此治之上法也治用升陽除濕  
湯之類是也春傷於風夏生餐泄木在時爲春在人爲肝在天爲風風者無形之清氣也當春之時發爲溫令反爲寒折是三春之月行三冬之令也以是知水爲太過矣水既太過金肅愈嚴是所勝者乘之而妄行也所勝者乘之則木虛明矣故經曰從後來者爲虛邪木氣既虛火令不及是所生者受病也故所不勝者侮之是以土來木之分變而爲

餐泄也故經曰清氣在下則生餐泄以其濕令當權故餐泄之候發之於夏也若當春之時木不發生溫令未顯止行冬令是謂傷衛以其陽氣不出地之外也當以麻黃湯發之麻黃味苦味之薄者乃陰中之陽也故從水中補木而瀉水發出津液爲汗也若春木旣生溫令已顯陽氣出於地之上寒再至而復折之當以輕發之謂已得少陽之氣不必用麻黃也春傷於風夏生餐泄所以病發於夏者以木絕於夏而土旺


於長夏濕本有下行之體故餐泄於夏也不病  
於春者以其春時風雖有傷木實當權故餐泄  
不病於木之時而發於濕之分也經曰至而不  
至是爲不及所勝妄行所不勝者薄之所生者  
受病此之謂也仲景法下利清穀裏寒外熱  
汗出而厥者通脈四逆湯主之東垣云洩利餐泄身  
風冷入中泄利不止脉虛而細日夜數行口乾  
腹痛不已白朮湯主之東垣云洩利餐泄身  
熱脉弦腹痛而渴及頭痛微溼宜防風芍藥湯

東垣所云內動之風也經云春傷於風夏生  
餐泄又云久風爲餐泄又云虛邪之中人也始  
於皮膚留而不去傳舍於絡脉留而不去傳舍  
於經留而不去傳舍於輸留而不去傳舍於伏  
衝之脉留而不去傳舍於腸胃在腸胃之時貫  
響腹脹多寒則腸鳴餐泄食不化則非內動之  
風也潔古云太渴引飲多致水穀一時下者宜  
灸大椎二五壯或用車前子雷丸白朮茯苓及  
五苓散等藥滲之又如久風爲餐泄者則不飲



水而穀完出治法當以宣風散導之後服蒼朮防風湯餐泄以風爲根風非汗不出有病此者腹中雷鳴泄注水穀不分小便滯滯皆以脾胃虛寒故耳服荳蔻烏梅粟殼乾薑附子曾無一効中晚臍下灸已數千燥熱轉甚津液涸竭瘦削無力飲食減少延年視之予以應象論曰熱氣在下水穀不分化生餐泄寒氣在上則生腹脹而氣不散何也陰靜而陽動故也診其脉兩手皆浮大而長身表微熱用桂枝麻黃湯以

舊案煎大劑連進三服汗出終日至且而愈次以胃風湯和其藏府調養陰陽食進而愈經云脾虛則腹滿腸鳴泄食不化又云餐泄取三陰三陰者太陰也宜補中益氣湯以白芍藥代當歸主之又云腎藏志志有餘腹脹餐泄瀉然筋血又云肝足厥陰之脉所生病者胸滿嘔逆餐泄視盛虛寒熱陷下施法此皆內因無風者也



篇首上

國朝發號既久，醫業益昌。出古方，入新法，而人多以爲非也。又曰：「醫者，人命所系，誠不可忽。」故大令曰：「醫不妄見，見必有證。」又曰：「病頭痛，則知其在表；或食不消，人云發虛，則知其在里。」又曰：「病在臟腑，則知其在內；或食不消，人云發實，則知其在外。」舊傳曰：「太陰與陽二脉，一出於腎，一出於心。腎主陰，心主陽，故曰太陰與陽。」

滯下

即痢疾

古以赤爲熱，白爲冷。至金河間李東垣始  
非之。劉謂諸痢皆由於乎熱而以赤屬之心火。  
黃屬之脾土白屬之肺金青屬肝木黑乃熟之  
極而反兼腎水之化，其諸瀉利皆兼於濕濕主  
於痞以致怫鬱氣不得宣通濕熱甚於腸胃之  
中，因以成腸胃之燥，故裏急後重小便赤澀謂  
治諸痢，莫若以辛苦寒藥而治，或微加辛熱佐  
之，苟能開鬱苦能燥濕寒能勝熱使氣宣平而

已行血，則便血自愈。調氣則後重自除。李從  
暉，胃病者而論，則曰：上逆於肺爲白，下傳於陰  
爲赤。衛生寶鑑，因謂太陰主瀉，傳於少陰爲  
痢，由泄亡津液，而火就燥腎，惡燥居下，焦血分  
也。其受邪者，故便濃血然。赤黃爲熱，青白爲  
寒。丹溪謂滯下因火熱下迫，而致裏急後重。  
用劉氏之治濕熱，李氏之保脾土，更復一工較  
量氣血虛實，以施治。二家皆發前代之未發，  
而舉其要也。予嘗因是而研究之，自其五色分

五藏者言，則可見濕熱之中，具有五邪之相挾。  
自其上逆下傳氣血者言，則可見五藏六府十二  
經脉之氣血諸邪，皆得傷之，而爲痢之赤白。  
本自其濕熱爲病者言，則可見由來致成濕熱，  
之故非一端。自其分痢有虛實者言，則可見凡  
在痢病者中，所有之證，如煩躁者、咽乾舌黑者、  
噦噫後重者、腹痛者、脹滿者、脚痛腫弱之類悉  
有虛實之殊。是故予於痢證，直斷之種種爲邪  
入胃，以成濕熱，經受傷，其氣傷則病，於肺血

傷則傳於心心肺者氣血之主也氣血所行之方既病安得不歸所生之藏乎而大小腸者心肺之合也出納水穀糟粕轉輸之官胃乃太小腸之總司又是五藏六府十二經脉真氣之海苟有內外之邪凡損傷於經藏者或移其邪入胃胃屬土濕之化胃受邪則濕氣不化怫鬱而成濕熱矣或心肺移氣血之病傳之於合于小腸獨受其病則氣凝注而成白痢小腸獨受其病則血凝注而成赤痢太小腸通受其病則赤白

相混而下胃之濕熱淫於大小腸者亦如之其色兼黃若色之黑者有二如色之焦黑此極熟兼水化之黑也如黑之光若漆者此瘀血也或曰治利從腸胃世人所守之法也今乃復求其初感之邪與初受之經將何爲哉曰病在腸胃者是其標也所感之邪與初受之經者是其本也且內經於治標本各有所宜施之先後況所傳變之法又與傷寒表裏無異何可不求之乎豈止此而已至若腸胃自感而病亦當以邪正


分或正氣先虛而受邪或因邪而致虛則以先者爲本後者爲標與夫積之新舊亦如之舊積者停食結痰所化之積也新積者舊積去後而氣血復鬱所生者也舊積當先下之新積則不宜下其故何哉蓋腸胃之腐熟水穀轉輸糟粕者皆榮衛灑陳六府之功今腸胃有邪則榮衛運行至此其機爲之阻不能施化故衛氣鬱而不舒榮血泣而不行於是飲食結痰停於胃糟粕留於腸與所鬱氣泣血之積相挾成滯下病

矣如是者必當下之以通壅塞利榮衛之行至於升降仍不行衛氣復鬱榮血復泣又成新積故病如初若是者不必求邪以治但理衛氣以開通腠理和榮血以調順陰陽陰陽調腠理開則升降之道行其積不治而自消矣然而舊積亦有不可下者先因榮衛之虛不能轉輸其食積必當先補榮衛資腸胃之真氣充溢然後下之庶無失矣予數見俗方守十數方治利不過攻之濶之而已矣安知攻病之藥皆是耗氣

損血之劑用之不已，甚至於氣散血亡，五藏空虛，精憊神去而死。其固澀之，又皆足以增其氣鬱血泣之病，轉生腹脹，下爲足腫，上爲喘呼，諸疾作焉。世人之法何足守乎？

丹溪云：痢初得之必用調胃承氣及大小承氣。有男子五十餘下利，晝有積淡紅色，夜無積食，自進先喫小腹丹兩服，再與四十丸，次六十丸去積，却與斷下。按此惟實者宜之。虛者以芍藥湯益元散保和丸之類，盪積芍藥湯治下。

血調氣經曰：洩而便，膿血知氣行而血止也。行血則便自安，調氣則後重自除。益元散治身發熱下痢，赤白小便不利，溫胃中積聚，一病勢惡頻併，窘痛或久不愈，諸藥不止須吐下之。以開除濕熱痞悶積滯而使氣液宣行者，宜玄青丸逐之。玄珠利積丸亦可。玄珠云：下痢赤白腹滿，脹痛裏急，上渴引飲小水赤濁，此積滯也。宜泄其熱，中用清腸丸導氣丸推其積滯而利自止矣。治積聚之證，輕則溫而利之，清



腸丸是也。重者天真散舟車丸下之下，後勿便  
補之。其或力倦自覺氣少惡食，此爲挾虛證。宜  
加自术當歸身尾甚者加人參若又十分重者  
止用此藥加陳皮補之虛回而痢自止矣。丹  
溪治葉先生患滯下後甚逼迫正合承氣證。但  
氣口虛形雖實而面黃積白此必平昔食過飽  
而胃受傷。寧丸二十三日辛苦遂與參术陳皮芍  
藥等補藥十餘貼至二百後胃氣稍定與承氣  
二貼而安。苟不先補完胃氣之傷而速行承氣

寧丸後患平以上盈積戴云痢疾古名滯下以氣  
滯成積積成痢治法當以順氣爲先須當開胃  
故謂無飽死痢疾也。凡痢初發不問赤白裏  
急後重煩欲登圊及去而所下無多既起而腹  
內復急宜用藿香正氣散加木香半錢吞感應  
丸或蘇合香丸吞感應丸以下調氣六痢血色鮮  
紅或如蛇蟲形而間有血鮮者此屬熱痢宜藿  
香正氣散加黑荳三十粒五苓散加木香半錢  
粟米少許下黃連丸或黃連阿膠丸茶梅丸熟  
帶下

甚脹上項藥未效宜白頭翁湯。大利發熱者敗毒散加陳倉米一撮煎。若色黯如瘀服涼藥而所下愈多去愈頻者當作冷痢宜理中湯或四君子湯加肉果一錢木香半錢加減平胃散青六丸治血痢色必鮮紅計血痢不止宜多用地榆易簡方云血痢當服胃風湯膠艾湯半鐘朱砂飛研二錢牛黃三分人參末三錢和丸如麻子大燈心龍眼肉煎湯下六七分

經受濕下血痢用蒼术地榆湯。痢久不止腹中不痛不裏急後重槐花丸乾薑於火上燒黑不令成灰磁碗合放冷爲末每服一錢米飲調下治血痢神効仲景云小腸有寒者其人下重便血可以此治之以上赤痢坦云大便後有白膿或只便白膿因勞倦氣虛傷太陽也以黃芪人參補之如裏急頻見污衣者血虛也宜加當歸加使白膿少有滑頻見污衣者氣脫加附子皮甚則加御米殼如氣滯者只以甘藥

補氣當安卧不言以養其氣哉。白痢下如凍膠或如鼻涕此屬冷痢先宜多飲除濕湯加木香一錢吞感應丸繼進理中湯亦有下如鮀色或如臘茶色者亦宜用前白痢藥白蠟治後重白膿以上白痢暑氣而成痢疾者其人自汗發熱面垢嘔逆渴欲引飲腹內攻刺小便不通痢血頻併宜香薷飲加黃連一錢佐以五苓散益元散白湯調服不愈則用蜜水調暑成痢疼甚食不進六和湯藿香正氣散各半

貼名木香交加散以上暑痢老人深秋患痢發呃逆嘔者黃蘖炒燥研末陳米飯爲丸小碗首大每服三十九人參白朮茯苓三味濃煎湯下連服三劑卽愈切不可下丁香等熱藥治令利腹中不能食肉荳蔻去皮醋麪裹煨熟搗末粥飲下一錢七十俗治夏中暑痢疾用黃連香薷飲加甘草芍藥生薑神効者蓋夏月之痢多屬於暑潔古治處暑後秋冬間下痢用厚朴丸大効者蓋秋之痢多屬於寒積經所謂必先歲


氣無伐，天和者也

以上秋痢

金匱下痢腹痛紫參

湯主之。潔正云：厚朴丸治處暑後秋冬間腹痛下痢，大效。丹溪曰：初下痢，腹痛不可用灸，然氣虛胃虛者可用。初得之亦可用。大承氣調胃承氣下之，看其氣病血病，然後加減用藥。眼痛者，肺經之氣鬱，在太陽之間者以苦梗發之，然後用治痢藥，氣用氣藥，血用血藥，或痢後糟粕未實，或食粥稍多，或饑甚，方食肚中作疼，切不可驚恐，當以白朮陳皮各半煎湯，

之自安。粥多及食肉，作痛者宜奪食，奪食者減其粥食，絕其肉味也。日傷冷水瀉變作赤白痢，腹痛減食，熱燥四肢困倦，無力，宜茯苓湯。一劑之後，小便利而腹中滿痛不可忍，此名陰陽反錯，不和之甚也，越桃散主之。一劑止痛，如神方。揀淨川連片二兩，淨枳殼片一兩，槐花三丁，兩用水浸，片時漉淨，同川連先炒老黃色，次入枳殼再炒，待燥，揀出槐花不用。止將黃連五錢，枳殼五錢，作一服水煎七分去渣，調乳




香沒藥淨末各七分五釐服之次照前方再服  
一劑腹痛卽止痢卽稀神效此方有服之如醉  
者乃藥力行也不妨亦可建中湯治痢不分  
赤白久新但腹中大痛者神效其脉弦急或濶  
浮大按之空虛或舉按皆無力者是也 下利  
膿血稠粘腹痛後重身熱久不愈脉洪疾者  
藥黃芩湯 腸血痢無度小便不通腹中痛當  
歸導氣湯以上腹痛 下利赤白裏急後重香連丸  
亦可用連二錢薑半錢爲末和匀溫酒下 仲

界人熟利下重者白頭翁湯主之 一利膿血  
裏急後重日夜無度宜導氣湯 大瘕泄者裏  
急後重數至圓而不能便莖中痛用清涼飲子  
主之其泄自上莖中痛者屬厥陰加大黃令急推去舊物則  
急後重多者屬少陰加大黃令急推去舊物則  
輕矣內經曰因其重而減之又云在下者引而  
竭之 裏急後重數至圓而不能便皆宜進退  
大承氣湯主之 下利赤白後重遲滯宜感應  
丸 或曰治後重疎通之劑羅謙南水煮木香

膏東垣白术安胃散等方已盡矣。有用御米殼等固澀之劑亦愈者何也。曰後重本因邪壓太腸墜下故大腸不能升上而重是以用大黃檳榔輩瀉其所壓之邪。今邪已瀉其重仍在者知大腸虛滑不能自收而重是以用御米殼等瀉劑固其滑收其氣用亦愈也。然大腸爲邪墜下之重其重至圊後不減大腸虛滑不收之重其重至圊後隨減以此辨之百不失一也。其或下墜異常積中有紫黑色而又痛甚此爲死

血證法當用桃仁泥滑石粉行之或口渴及大便口燥辣是名挾熱卽加黃芩或口不渴身不熱喜熱手熨盞是名挾寒卽加乾薑行車積與氣墜下服升消藥不愈者用秦艽皂角子煨大黃當歸桃仁枳殼黃連等劑若大腸風盛可作丸服其或下墜在血活之後此爲氣滯證宜煎藥加檳榔一枚。行重當和氣積與氣墜下者當兼升兼消謂升麻之類消謂木香檳榔之類金匱方泄利下重者以水五升煮薤



白三升，至一升去之，以四逆散方寸七內湯中  
煮取一升半分溫再服。凡用諸承氣等藥，候  
積之後仍後重者，乃陽不升也。藥中當加升麻。  
升其陽其重自夫也。東山云：裏急後重數至  
圓而不能便，或少有白膿或少血者，慎勿利之。  
宜升陽除濕防風湯。以上裏急後重其可氣行血和。  
積少但虛坐努責此爲亡血證，倍用當歸身尾，  
却以生地黃生芍藥生桃仁佐之。復以陳皮和  
之，血生自安。虛坐而不得大便，皆因血虛也。

血虛則裏急，加當歸身尾，血虛逼迫而得大  
便者，爲有物而然。今虛坐努責而不得大便，知  
其血虛也。故用當歸爲君，生血藥佐之。以上虛坐努責  
內經，膿血稠粘，皆屬相火。夫太陰主瀉，少陰  
主痢，是先泄亡津液而火就燥，腎惡燥，居下焦  
血分，其受邪者故便。膿血然赤黃爲熱，青白爲  
寒，治須兩審。治熱以堅中丸、豆蔻丸、香連丸治  
寒，白膠香散或多熟少寒水煮木香膏虛滑頻  
數，宜止宜瀉，宜養藏湯。瀉而便，膿血者，小腸

泄也。脉得五至已上，洪大者，宜七宣丸。脉平和者，立秋至春分宜香連丸。春分至立秋宜芍藥蕪皮丸。四時皆宜，加減平胃散。如有七宣丸證者，亦宜服此藥去其餘邪。兼平胃氣。以上膿血稠粘

其或纏滯退減，十之七八，穢積未盡，糟粕未實，當以炒芍藥炒白朮炙甘草陳皮茯苓煎湯下。固腸丸三十粒，然固腸丸性燥恐尚有滯氣未盡行者，但當單飲此湯。固腸丸未宜遽用。蓋固腸丸者雖有去濕實腸之功，其或久利體虛氣

弱，滑泄不止，又當以詞子肉荳蔻白朮半夏等藥瀝之甚者，添牡蠣可擇用之。然須以陳皮爲佐，恐太濶亦能作疼。又甚者，灸天樞氣海，此二穴大能止泄。仲景云：下利便膿血者，桃花湯主之。丹溪云：桃花湯主病屬下焦血虛且寒，非乾薑之溫石脂之溫，且重不能止血。用粳米之甘，引入腸胃，水煮木香膏易簡斷下湯。

白术安胃散 養藏湯 五倍子爲丸赤痢甘草湯下 白痢下 乾薑湯下 各十九 烏梅二箇煎



湯 石榴一箇燒灰用酸石榴一箇煎湯調二十  
錢以上滑脫 東垣治一老僕，脫肛日久，近復下利  
裏急後重白多，赤少不任其苦。此非肉食膏梁  
者也。必多蔬食，或飲食不節，天氣已寒，衣蓋又  
薄，寒侵形體，不禁而腸頭脫下者，寒也。滑也真  
氣不禁，形質不收，乃血脫也。此乃寒滑氣泄不  
固，故形質下脫也。當以溫去其脫而除其滑，以  
大熱之劑除寒，補陽以補氣之藥升陽益氣以  
微酸之味固氣止收。名之曰訶子皮散，一服減

半再服全愈。養藏湯 地榆芍藥湯 戴云  
脫肛一證最難爲藥，熟則肛門閉，寒則肛門脫。  
內用磁石研末，每二十錢食前米飲調下。外用鐵  
鑄磨湯溫洗以上脫肛 滯下太便不禁，其太孔開，  
如空洞，不閉者，用葱和花椒末搗爛，塞穀道中，  
併服酸瀉固腸之劑，收之。如御米殼訶子皮之  
類，是也。神效。大丸開 痢久，太孔痛，亦有寒熱者，  
熟艾黃蠟訶子燒熏之，因熱而羸，擯榔木香  
黃連黃芩加乾薑，因寒而痛，炒鹽熨之，灸枳


實變之丹溪用瓦片敲圓如銅錢狀燒紅投童子小便中急取起令乾紙裹安痛處因時寒恐外寒乘虛而入也以人參當歸陳皮作濃湯飲之食淡味自安大孔痛 痘疾不納食或湯藥入口隨卽吐出者俗名噤口有因邪亞胃氣伏而不宣脾氣澀而不布故嘔逆而食不得入者有陽氣不足胃中宿食因之未消則噫而食卒不下者有肝乘脾胃發嘔飲食不入縱入亦反出者有水飲所停氣急而嘔穀不得入者有火氣

炎熾內格嘔逆而食不得入者有胃氣虛冷食入反出者有胃中邪熱不欲食者有脾胃虛弱不欲食者有穢積在下惡氣熏蒸而嘔逆食不得入者當各從其所因以爲治以脉證辨之如脾胃不弱問而知其頭疼心煩手足溫熱未嘗多服涼藥者此乃毒氣上衝心肺所以嘔而不食宜用敗毒散每服四錢陳倉米一百粒薑三片棗一枚水一盞半煎八分溫服若其脉微弱或心腹膨脹手足厥冷初病則不嘔因服鶯



栗殼烏梅苦澀涼藥太過以致聞食先嘔者此  
乃脾胃虛弱用山藥一味剉如小草大丁半入  
銀瓦跳內炒熟一半生用同爲末飯飲調下  
又方用石蓮趙去殼留心併肉研爲末每服二  
錢陳米飲調下此疾蓋是毒氣上衝心肺借此  
以通心氣便覺思食効丹溪用人參黃連  
薑炒濃煎汁終日細細呷之如吐再喫但一呷下  
咽便開竅亦自止神效楊仁齋用參芩白朮  
散加石菖蒲末以道地粳米飲乘熱調下或用

人參茯苓石蓮子肉入些菖蒲與之戴復菴  
用治中湯加木香半錢或縮砂一錢以上藥口痢  
其或在下則纏滯在上則嘔食此爲毒積未化  
胃氣未平證當認其寒則溫之熟劑清之虛則  
用參术補之毒解積下食自進矣泄痢久不  
安膿血稠粘裏急後重日夜無度宜大黃湯用  
大黃一兩剉用好酒兩大盞浸半日同煮至一  
盞半去渣分爲一次頓服之痢止停服未止再  
服以利爲度又服芍藥湯以和之所以徹其毒



也 服前藥痢已除宜以白朮黃芩湯和之  
丹溪治一人患痢百餘日百法不効六脉促急  
沉弦細弱芤左手爲甚晝夜十行視之穢物甚  
少雖下清涕中有紫黑血絲食全不進此非痢  
也宜作瘀血治之以桃仁乳香沒藥滑石佐以  
檳榔木香神麴糊爲丸米飲下百餘粒至夜半  
不動又依前法下二百粒至天明下穢如爛魚  
腸者一升半困頓終自漸與粥食而安 按此  
方恐當有大黃無則難下 又治族叔年七十

稟壯形瘦夏末患泄痢至秋百方不應視之病  
雖久而神不瘁小便澀少而不赤兩手脈俱澀  
而頗弦直言胸微悶食亦減因悟此必多年沉  
積癖在腸胃詢其平生喜食何物曰喜食鯉魚  
三年無日不用此積痰在肺肺爲大腸之藏宜  
太腸之不固也當與澄其源而流自清以茱萸  
陳皮青葱薑首根生薑煎濃湯和以砂糖飲一  
碗許自以指探喉中至半時吐痰半升如膠其  
夜減半次早又服又吐半升而痢自止又與平


胃散加白术黃連旬日而安。收瀨用木香散  
訶黎勒丸久痢。休息痢多因兜住太早積不盡，  
除或因痢愈而不善調理以致時止時作宜，四  
君子湯加陳皮一錢木香半錢吞駐車丸只緣  
兜住積滯遂成休息再投去積却用兜劑。張  
文仲用虎骨灸焦搗末調服日三匙効。久利  
休息痢虛滑甚者用椿根白皮東南行者長流  
水內漂二日去黃皮切片每兩配人參一兩  
入煨木香二錢粳米一撮煎湯飲之休息勞。

痢因痢久不愈耗損精血致腸胃空虛變生他  
證或五心發熱如勞之狀宜蘋蓮飲赤多倍蓮  
肉白多倍山藥痢後調補宜四君子湯加陳皮  
一錢半節異攻散或七珍散惡甜者生料平胃  
散加入參茯苓各半錢諸病壞證久下膿血  
或如死豬肝色或五色雜下頻出無禁有類滯  
下俗名刮腸此乃藏府俱虛脾氣欲絕故腸胃  
下脫若投痢藥則誤矣六柱飲去附子加益智  
仁白芍藥或可冀其萬一。痢後風因痢後下

虛不善調將或、多行或、房勞或、感外邪致、兩脚  
痿軟若痛若痺遂成風痺獨活寄生湯、吞虎骨  
四斤丸或用大防風湯或多以骨碎補三分之  
一同研取汁酒解服外以杜牛膝杉木節白芷  
南星草薌煎湯熏洗丹溪云、痢後風係血入  
藏府下未盡復還經絡不得行故也松明節一  
兩以乳香二錢炒焦存性、蒼朮黃藥各一兩紫  
葳一兩半甘草半兩桃仁去皮不去尖一兩俱  
爲末每服三錢生薑同杵細水盪起一二沸服

隣人鮑子年二十餘因患血痢用澀藥取効  
後患痛風號咷撼隣里予視之曰此惡血入經  
絡證血受濕熱久爲凝濁所下未盡留滯隧道  
所以作痛經久不治恐成枯絀遂與四物湯桃  
仁紅花牛膝黃芩陳皮甘草煎生薑汁研潛行  
散入少酒飲之數十貼又與刺委中出黑血近  
二合而安寶鑑云且如瀉痢止脾胃虛難任  
飲食不可一槩用尅伐之劑若補養其脾胃氣  
足自然能飲食宜錢氏方中異攻散設或喜嘴

飲食太過有傷脾胃而心腹痞滿嘔逆惡心則不拘此例當權用橘皮枳實丸一服得快勿再服若飲食調節無傷則胃氣和平矣



Kitasato Memorial Medical Library